

Paglambo isip usa ka Kristohanong Magtutudlo— Usa ka Personal nga Pagtimbang-timbang

Isip mga magtutudlo, kita kinahanglang kanunay nga motimbang-timbang sa atong mga kalig-on ug mga kahu-yang aron kita makatabang sa mga tinun-an nga makapalig-on sa ilang hugot nga pagtuo diha ni Jesukristo ug mahimong mas mahisama Kaniya. Ang mosunod nga kaliho-kan makatabang kanimo sa paggamit sa mga baroganan sa Kristohanon nga pagtudlo. Ikonsiderar unsa ka maayo ang matag usa sa mosunod nga mga pamahayag sa paghulag-way kanimo isip usa ka magtutudlo. Pilia ang labing tukma nga tubag alang sa matag pamahayag: (1) panagsa ra kaayo (2) usahay, (3) kasagaran, (4) hapit kanunay.

Dayon, sumala sa paggiya sa Espiritu, mainampoong mopili og pipila ka butang nga gusto nimong palamboon. Paghimo og pipila ka mga tumong, ug gamita kini nga kapanguhaan aron sa pagtabang kanimo sa paglambo.

Pagtutok kang Jesukristo

- ___ Ako nagtudlo bahin ni Jesukristo bisan unsa paman ang akong gitudlo.
- ___ Ako naghatag og gibug-aton sa ehemplo ni Jesukristo.
- ___ Ako motabang sa mga tinun-an sa pag-ila sa gugma, gahom, ug kalooy sa Ginoo diha sa ilang kinabuhi.
- ___ Ako motabang sa mga tinun-an nga mapalig-on ang ilang relasyon ngadto sa Langitnong Amahan ug ni Jesukristo.
- ___ Ako motabang sa mga tinun-an nga tuyong maningkamot nga mas mahimong mahisama ni Jesukristo.

Higugmaa Kadtong Inyong Gitudloan

- ___ Ako naningkamot nga makita ang mga tinun-an sama sa pagtan-aw sa Dios kanila.
- ___ Ako nagtinguha nga makaila niadtong akong gitudloan—sa pagsabot sa ilang mga kahimtang, mga panginahanglan, ug mga kalig-on.
- ___ Ako nag-ampo alang sa mga tinun-an gamit ang ngalan.
- ___ Ako naghimo og luwas nga palibot diin ang tanan gitahod ug nahibalo nga ang ilang mga ikatampo gihatagan og bili.
- ___ Ako nangita og tukma nga paagi sa pagpahayag sa akong gugma.

Pagtudlo pinaagi sa Espiritu

- ___ Ako nangandam sa espirituhanon nga paagi sa pagtudlo.
- ___ Ako motubag sa espirituhanong mga pag-aghat bahin sa mga panginahanglan sa mga tinun-an.
- ___ Ako naghimo og mga sitwasyon ug mga oportunidad alang sa mga tinun-an nga matudloan pinaagi sa Espiritu Santo.
- ___ Ako motabang sa mga tinun-an nga tinguhaon, ilhon, ug lihokon ang personal nga pagpadayag.
- ___ Ako kanunay nga mohatag og pagpamatuod, ug ako modasig sa mga tinun-an sa pagpakigbahin sa ilang mga gibati, mga kasinatian, ug mga pagpamatuod.

Itudlo ang Doktrina

- ___ Ako nakakat-on sa doktrina ni Jesukristo para sa akong kaugalingon.
- ___ Ako nagtudlo gikan sa mga kasulatan ug sa mga pulong sa mga propeta sa ulahing mga adlaw.
- ___ Ako motabang sa mga tinun-an sa pagtinguha, pag-ila, ug pagsabot sa mga kamatuoran diha sa mga kasulatan.
- ___ Ako nagtutok sa mga kamatuoran nga mosangpot ngadto sa pagkakabig ug makapalig-on sa hugot nga pagtuo diha ni Jesukristo.
- ___ Ako motabang sa mga tinun-an sa pagkaplag og personal nga kamahinungdanon diha sa doktrina ni Jesukristo.

Pagdapit og Makugihon nga Pagkat-on

- ___ Ako motabang sa mga tinun-an nga maako ang responsibilidad sa ilang pagkat-on.
- ___ Ako moawhag sa mga tinun-an nga ilhon ang Manluluwas pinaagi sa pagtuon sa ebanghelyo matag adlaw.
- ___ Ako modapit sa mga tinun-an sa pagpangandam sa pagkat-on.
- ___ Ako moawhag sa mga tinun-an sa pagpakigbahin sa mga kamatuoran nga ilang nakat-onan.
- ___ Ako modapit sa mga tinun-an nga puy-an ang ilang mga nakat-onan.